

Usul undi tidak percaya terhadap Apandi tidak langgar perlembagaan - Dr Wan Azizah
Astro Awani
Mac 17, 2016
Hafiz Marzukhi

DR WAN AZIZAH: Usul ini tidak melibatkan Dewan Rakyat memecat Peguam Negara. -Gambar fail

KUALA LUMPUR: Usul undi tidak percaya terhadap Peguam Negara Tan Sri Apandi Ali tidak bertentangan dengan perlembagaan, tegas Ketua Pembangkang Datuk Seri Dr Wan Azizah Wan Ismail.

"Usul ini tidak melibatkan Dewan Rakyat memecat Peguam Negara.

"Usul saya hanya memohon untuk Dewan membuat keputusan sama ada Tan Sri Apandi sudah kehilangan kepercayaan," kata Dr Wan Azizah yang juga Ahli Parlimen Permatang Pauh.

Jelas Dr Wan Azizah, sekiranya dilulus Dewan, ia akan membantu Perdana Menteri memilih sama ada ingin memberhentikan atau mengekalkan Peguam Negara kini.

Tambah Dr Wan Azizah, satu surat rayuan akan dihantar kepada Speaker Dewan Rakyat Tan Sri Pandikar Amin Mulia dalam masa terdekat berhubung perkara ini.

Tag: [Usul undi tidak percaya](#), [Peguam Negara](#), [Apandi Ali](#), [langgar perlembagaan](#), [dr wan azizah](#)

© 2016 Astro Awani Network Sdn. Bhd. (535275-D) All Rights Reserved.

Source: <http://www.astroawani.com/berita-malaysia/usul-undi-tidak-percaya-terhadap-apandi-tidak-langgar-perlembagaan-dr-wan-azizah-98862>